

### ԱՐՉԱՆԱԳՐՈՒԹՅՈՒՆ ԹԻՎ 3

2018թ մայիսի 11-ին տեղի ունեցավ ՀՀ Կոտայքի մարզի Գեղաշենի Ռազմիկ Ստեփանյանի անվան միջնակարգ դպրոցի 4-րդ «Բ» դասարանի ծնողական ժողովը: Ժողովին ներկա էին բոլոր ծնողները, դասուհի Ն. Սարգսյանը և տնօրենի մասնագիտացված կրթական աջակցությունների գծով տեղակալ Զոյա Գևորգյանը:

#### ՕՐԱԿԱՐԳՈՒՄ

1. Ծանոթացում գիտելիքների ստուգման ժամանակացույցին: Գիտելիքների ստուգմանը պատշաճ պատրաստվելու հարցը:
2. Ընթացիկ հարցեր

1. Լսեցին. Ծանոթացում գիտելիքների ստուգման ժամանակացույցին: Գիտելիքների ստուգմանը պատշաճ պատրաստվելու հարցը:

Ելույթ ունեցավ դասուհի Ն. Սարգսյանը ևս մեկ անգամ ծնողներին հիշեցրեց, որ իրենց երեխաները ավարտում են տարրական դպրոցը և տեղափոխվում են միջին դպրոց: Կրթական մի աստիճանից մյուսը տեղափոխվելու համար հանձնում են ավարտական քննություններ, տարրական դասարաններում՝ գիտելիքների ստուգում «Մաթեմատիկա» և «Մայրենի» առարկաներից: Ծնողներին ներկայացրեց գիտելիքների ստուգման ժամանակացույցը:

1. Մայրենի՝ 02.06.2018թ. /թելադրություն/
2. Մաթեմատիկա՝ 05.06.2018թ. /թեստային աշխատանք/

Դասուհիը ծնողներին խնդրեց, որ լինեն ավելի հետևողական և ուշադիր, անեն ամեն ինչ, որ երեխաները չբացակայեն դասերից և ավելի լրջորեն պատրաստվեն, որպեսզի կարողանան լավագույնս ի ցույց դնել տարրական դասարաններում ձեռք բերած գիտելիքները:

#### Որոշեցին.

Լինել ավելի հետևողական և ուշադիր, որպեսզի պատվով հաղթահարեն այդ կարևոր և պատասխանատու խնդիրը:

#### 2. Լսեցին.

Դասուհիը տեղեկացրեց, որ տարրական դպրոցը ավարտելուց հետո, աշակերտները տեղափոխվելով միջին դպրոց, պետք է ունենան միջին դպրոցի համար նախատեսված համազգեստ: Տարրական դասարաններում գրեթե խնդիր չեն ունեցել և չորս տարի կրել

են նույն համազգեստը, որը ծնողներին ազատել է լրացուցիչ ծախսեր անելու հոգսից տարվա բոլոր եղանակներին: Հիմա կա փոքրացած համազգեստները նորով փոխարինելու խնդիր, այսինքն պետք է ձեռք բերվեն միջին դպրոցի համազգեստներ: Այդ նպատակով մայիսի 17-ին դպրոց են հրավիրել դերձակին: Բոլոր ծնողներն այդ օրը լինեն դպրոցում, որպեսզի դերձակը իրենց ներկայությամբ վերցնի երեխաների չափսերը, պատվիրեն այն, ինչ իրենք են ցանկանում/այսինքն ինչը ունեն, ձեռք են բերել, պետք չէ/միայն համապատասխանի դպրոցի ներկայացրած պահանջներին:

Ապա դասղեկ Մարգարյանը խոսեց նաև «Հրաժեշտ տարրական դպրոցին» միջոցառում կազմակերպելու մասին: Ծանոթացրեց միջոցառման ծրագրին և հույս հայտնեց, որ կստանա ծնողների աջակցությունը, միջոցառումը պատշաճ ձևով կազմակերպելու գործում:

Ծնողները մեկ անգամ ևս հավաստեցին, որ համազգեստի կրումը դպրոցում արդարացված է. նույն համազգեստը ծառայում է մի քանի տարի, և ծնողին հեռու պահում ավելորդ ծախսերից:

**Որոշեցին.**

Ա. Կազմակերպված ձևով անցկացնել համազգեստների չափազանցման և պատմիրման գործընթացը:

Բ. Օգնել դասղեկին, միջոցառումը բարձր մակարդակով անցկացնելու համար:

Ծնողական խորհրդի նախագահ  
Քարտուղար՝



/Մ. Ծառուկյան/  
/ Ա. Փանոսյան/